

T5236.05/4462

202

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 20 1940

天妃英華卷第九百八十六

祭文九

交傳九

祭奉人尉文三首

祭張中丞文二首

祭王員外文一首

祭崔中丞文一首

祭何太丈文一首

祭顧和文一首

祭李殿士文一首

祭樊神文一首

祭呂傑中文一首

祭李中明文一首

為副尚書祭韋太尉文

符式

維年月日某官某祭于某官之靈乾坤瑞氣發祥清精  
生碩臣為才為英其體曠其神清明大包九德全其五  
行開望聖宜勳祭時維靜時動在烈時雷聲中下之威

英苑英華卷第九百八十六

祭文九

交舊九

祭韋太尉文三首

祭張中丞文二首

祭王員外文一首

祭崔中丞文一首

祭何大夫文一首

祭顓和尚文一首

祭李處士文一首

祭樊司空文一首

祭呂郎中文一首

祭李中明文一首

為劉尚書祭韋太尉文

符載

維年月日某官某祭于某官之靈乾坤瑞氣蒼鬱淳精誕  
生碩臣為才為英其體顛昂其神清明大包九德全貫五  
行聞望昭宣動榮崢嶸靜專動直淵默雷聲甲子之歲宗



社震驚塵飛四野人弄豆兵公一作在隴州保捍孤城師  
徒顛頽凶孽縱橫一發沉機萬夫掃平天維地軸為之不  
傾天子報功夫何超越全蜀千里虎旗龍節堅完卒乘延  
納賢傑武事雄稜文華昭晰西戎天矯南詔曼絕德惠震  
威投心象闕激揚風教提携義烈二十年間沱江澄澈爰  
有蠻人驃國彌臣化所未洽古之不馴飲我大誠沛然來  
賓遂使皇澤播其無垠奉聖功成樂府聲新一時事業萬  
古紛綸實冀昊穹福善與人何豫章之磅礴奄摧落乎青  
春嗚呼曩者危疑之際邪臣交構獨秉精誠飛章上奏忠  
同折檻詞近及霄昏霧忽清太陽乃晝婁涼陳跡惋毒中  
壽志未展於生前寵徒光於身後嗚呼某以薄劣獲事旌

德承國士之顧謬居羣彥之先徬徨授署昧憐機權顧  
無能於布政懼取譏於大賢蕭條岐路眇默風煙諒祖英  
之無路瞻壽堂而潸然

為賈常侍祭韋太尉文

前人

至道之世君臣聖明必有賢才為之挺生昭昭我公得一  
居貞窺神靈之壺奧涵天地之淳精胸襟洞達方畧縱橫  
文房啓而風雅斯在武庫開而禍亂乃平甲子之歲逆泚  
變節河海沸騰宗社兀隍孤軍隴上勢窮援絕激臨危之  
肝肺成曠世之勳烈帝有寵命擁旄蜀川威聲烜赫德禮  
昭宣家有美政人無元賢熙熙穆穆二十餘年機謀內發  
英明獨照頓挫西戎經營南詔通驃國之幽阻導彌臣之

叶窳咸屈膝於君王信萬古之榮耀方期驅兵率乘覬謁  
帝庭承汪濊之殊澤陳訃謨之大經如何等重遣茲殞靈  
地偃喬岳天沉輔星昨者疾瘳之曰咸望再起頻造屏內  
候公動止憂國慷慨請立太子事苟未行歿而後已今上  
嗣位人神交喜哀傷大賢不見如此某謬以菲薄監臨此  
軍參蕭曹之議論覩伊霍之功勳斐涼門館顧慕風雲非  
百身之可贖寄一慟於斯文

為西川幕府祭韋太尉文

前人

維年月日祭于某官之靈聖曆應數今古同風五百年間  
運屬我公長河噴射十華穹崇鬱起生人之表獨棲顯氣  
之中徃者鯨鯢蕩海波以濤洶洶京洛風塵人神震恐公遂

屹立天授智勇斬刈師徒扶持汧隴逆黨顛頽心摧計擗  
繇是安危繫之輕重天子報功禮數乃殊旣渥龍節亦執  
金吾國之西南寔曰成都夷夏混合山川盤紆苟非哲人  
莫啓令圖咨我賢達付之方隅公乃壓坤維以厚德注羣  
生以和氣應變參乎杳冥布政歸乎簡易刻風俗之姦窳  
平人心之險陂肅貔虎以雲屯禮英髦而麀至蠲萬疴於  
藥草新百貸於郵肆綢繆賓客之歡肅穆鬼神之祀補前  
人之漏畧極當時之能事道尊而犇俗承風聲烜而殊鄰  
慕義信信大戎背約報仇疆場蠱毒大邦寇讐公動機權  
控扼咽喉闢其陬落係其魁酋峨和宰雲大渡橫流伏不  
敢動垂二十秋伊昔南蠻嚮化虔奉朝旨將率非良撫綏

失禮興兵戰伐深入邊鄙十萬之師蕩爲癘鬼公以誠往  
彼由感起拜新詔於皇都歸舊封於越雋提携椎髻之類  
遙列青衿之齒驃國之與彌臣伏聯蹤而疊軌臣製樂以  
奉聖裁文以叙美考一德之輝光諒有唐而已矣方期五  
福之壽享九命之尊至雍熙於宇內相玉帛於天門何至  
業之堙鬱逢逝水之迅奔竭涸滄海摧頽崑崙精靈一去  
微烈空存嗚呼哀哉錦城秋暮北郊長路寂寞山川蕭疎  
草樹雖蘋藻之屢薦終輻車而不駐慟軍府之悲涼增煙  
霞之思暮某等俱以孱鈍獲事旌旄庇蓮府之光彩無汗  
馬之勳勞戴恩愧厚顧位慙高問沉痾之何有與三江之

滔滔

爲劉尚書祭張中丞文二首

前人

維年月日祭于某官之靈惟靈和粹在躬行方而通瀟洒  
囂塵之外翱翔禮樂之中與物大聖推之至公落落賢人  
之慶恢恢長者之風學有餘力備功衆藝環壁文章龍蛇  
革隸江湖之地東西無際獨負高名聞乎早歲赫赫太師  
光鎮此川大啓幕府盡心招延運籌帷幄之內折衝鐔俎  
之前鬱然時論謂蜀得賢某也不才接武隨肩緬茂三益  
周旋十年或朝遊古寺或夜接華筵歡呼醞宰嘯傲風煙  
神理無狀忽鍾沉疾顧侶無悰懷仁若失陰深府舍寥落  
煙日雖道義不間於同心而語笑每乖乎促席何士林之  
凋瘵碎金相與玉質某以懦劣謬司戎律方屬理兵未遑

造室眷言襟契何啻膠漆一面有乖百齡俄戢舊鄉迢遞  
素帷蕭瑟望精爽以申哀誠不知涕洟之所出

二

惟靈物四科之要推六藝之先襟懷灑散文翰聯翩寄情  
琴酒長嘯風煙有名當世三十餘年誠謂羽翼中朝潤色  
王度翔鸞彩鳳翹翼雲路荏苒江海蹉跎晚暮道乃光華  
疾成沉痾崇巖絕集作舟壑松摧桂蠹哀茲下泉永寐不寤  
某頃同舍周旋後塵肺腸見許筆硯相親顧以孱虛每慕  
仁人實冀鄙志於茲大伸柰何昭時奄落窮塵未懷道義  
臨風酸辛畫妾柳車白日青春鄉關樹老岷蜀坐新戎事  
見羈執紼無因具罇壘以寫意聊寄恨於江濱

為劉尚書祭王員外文

前人

維年月日祭于某官之靈惟靈行業端簡襟期高朗類彼  
雲霄萬夫是仰根蟠一德冥入羣象和自中來道非外獎  
風儀峻峙神氣森爽洎濟橫流蓮峯直上爛爛文章早歲  
擅場鏘金扣玉折桂牙楊昔在太師作鎮坤方大啓幕府  
聿求賢良君赴招筵價重珪璋賓主之際赫然有光余復  
繼來厠接周行契伴金石韻擬笙簧並几聯曹擁闥環廊  
紛紜笑詭爛漫壺觴昨著象緯成災禍丁故使門庭倉卒  
軍旅沸渭猥蒙遺令俾司留事顧此孱虛實憂殞墜東川  
無狀橫相猜忌破表焚牋封山掠騎因得討罪誅其不義  
屢犯鋒鏑幾經憂畏天子明察龍旌旋至何事諛才忽膺

重寄告語未接潰瘍已熾晷刻小睽音容未閱如何昊蒼  
負此沉意危迫是同歡榮乃異嗚呼哀哉嘗察分切親懿  
情備念家道之霜藐若肺腸之焦然位不過郎署壽纔及  
中年彼禍淫與福善吾將仰首而呼天一罇酌奠百慮纏  
綿惟撫孤之感躅庶幾誠之在一作焉

為杜相公祭崔中丞文

前人

嗚呼子有四教文行忠信惟公佩服終身不磷惠慈敦厚  
溫恭淑慎趨善如流惟賢是進公方可與利用無朕駮  
絕塵青萍淬刃累參戎府九牧大郡教化諏謀作程垂訓  
不躋高位丁此巨豐茫茫上天殲我賢雋嗚呼佑自弱齡  
實奉周旋綢繆出處四十餘年昔佐此府周行接聯佑忝

來介公總中權朝整金鑣夕同綺筵揮動醖竿沉吟風  
對博干場春日秋天氣振耳熱勝負爭前今也冥冥音容  
藐然沉思永痛涕泣纏綿嗚呼世且多故權窳茲地苟安  
其宅豈靈之意悠悠羸疾浩浩官吏無因執紼遠送幽隧  
天寒景淑雲愁鴈思傾一卮以寫哀誠痛百年之未異

祭何大夫文

前人

巖巖泰山羣嶽攸崇公有盛德與之比崇高朗沉深神超  
氣融禮樂方外粹和積中顛顛昂昂大人之容天高起鶴  
泉深見龍早張雄詞扣玉鏗鏘文場一戰陷敵摧鋒結綏  
王畿部局生風拾遺丹階危言匪躬公嘗從事浙西盛府  
咨籌畫畧輝光賓主皇帝順符褒梁重阻納貢匍匐達行



在所帝曰首至西方惟汝建社擁旄于鄂之渚自公之來  
法舉令行鋤姦剪暴振獨蘇俾疆理封域繕完甲兵十五  
餘年夏水潦清德宇弘曠威容光明日翼休時調鼎和羹  
嗟此梁棟柰何頽頹一作位竟不來負我蒼生嗚呼載有  
蓬戶廬山之曲接連人郡沿洄徃復早獲請謁許布心腹  
掩過與能情優禮縉想公振揚清風無鄰律呂翰墨龜龍  
縉紳遺我細微合我嘉姻永言感慟破骨傷神嗚呼哀哉  
去歲春暮旌旗蒲路眇昧風煙留連草樹前日東亭天光  
曉晴金罇玉管芳樹流謂累夕幽明遽隔瞬目交臂  
遂成古昔心敬無飾詞言必激馮慟絕於江干疑精靈之  
可覲

爲楊廷評祭何大夫文

前人

伏惟尊靈涵清明之氣秉中庸之德事業存乎教化忠厚  
形於家國文章根風雅之奧議論探玄聖之域虎視犀額  
山立玉色惟公昔年聲譽赫然拾遺補闕丹陛之前天子  
思理垂意藩外聿來沔鄂十五餘載浩浩茲邑民繁境大  
通至信於豚魚被深仁於幼艾秋霜可畏春日可愛卷風  
波於夏水失險阻於西塞嗚呼地有四海候一作公而清  
天有三階望公而平昊穹謂何殲我賢明小人君子號呼  
震驚嗚呼賓主之道人倫之義情禮所加殺身有地如朝  
小子孱愚下位無絕俗之姿寡卓然之異猥辱提引叨居  
賢次顧侶之榮撫心多愧頃將重命驅車遠使不憚山川

敢告顛顛昔我往矣龍節煌煌今我來思丹旆悠揚慟哭  
江干若摧肺腸儻神理之昭鑒殊辛酸之未央

爲江西李尚侍祭顛和尚文

前人

大方浩浩天高地厚彼上人者空門稱首塵埃三界揮斥  
萬有如淨蓮花出泥離垢早歲蜀中師事全公一言悟解  
了得真空靈覺內虛妄境外融寶山見月一作寶山見性海無  
風某謬以菲薄投心依止周旋瞻仰年踰一紀東洛之濱  
湘江之浹晨朝後夜談玄拆理破壞結縛我則用喜甘露  
洗心簫韶洞耳一昨猥受朝寄聿來此方撫俗未幾懷仁  
不忘師雖無心應物則深尺素紆屈千里相尋纏綿舊故  
啓迪塵襟窮弊邑之風物暢平生之登臨嗚呼風火扇災

遷成沉疾朕累旬之晤語謝百靈

疑作

之形質雖真性之

湛然愴尊容之已失荒郊野塔秋晨曉日幡蓋飄蕩香花  
蕭瑟寄慘怛於斯文諒悲懷之不一

祭處士李君文

前人

良友三人來自蜀川身棲廬嶽氣屬雲天至寶多脆靈芝  
不堅君與王生早落窮泉當時食貧空禮從權殯宮蕭索  
二十餘年在風塵中觸故牽經每懷曩昔深衷惻然頃亦  
有意祇承付託訪君姻族獲歸京洛賢舅緇褐外弟罷弱  
實恐歲時遂移舟壑神本尚簡禮貴適時即其故地而寤  
窆之衛玠短命伯道無兒千秋拱樹我心傷悲嗚呼吾李  
處士已而已而

祭樊司空文

前人

天有神氣地有山川交感網緼實生大賢聰明惠和忠厚  
 塞淵體剛法健動直靜專在昔安卑屈宰堯山聿來射策  
 懼疑登紫垣異日從容危冠上前以手畫地慷慨論邊道  
 合時來舜日堯年纏綿三接奮發九遷帝念和戎公駕輅  
 軒詞危氣激張威懾蕃旄旆襄漢建旆荆蠻卒乘完勁勲  
 庸昭宣征南當陽芳若蘭荃我有令問與之周旋嗚呼仁  
 人在上安危所屬世且多難奪公何速溘然多露壞乎梁  
 木望缺三台壽虧五福大誠至信漸人被俗擁杵輟春鄉  
 號里哭嗚呼載本諸生噐識屏屏愚猥辱拂拭化珉為瑜昔  
 歲渚宮灌涸濡沾前年南擁顧重禮殊將致賓僚將貢習

都感念厚意使人指軀漢水之陽峴山之隅千乘擘擘且  
 夕陪趨秋景沉寥春華芳敷瀾漫醖竿婁鏘笙竿拜首節  
 旄將去踟躕吟嘯叙什丁寧匡廬星霜未周幽顯異途神  
 歸蒼昊魄散黃墟明明知音今也其孤仰天涕下被臆交  
 孺嗚呼舊山之下石田踈悲智昧經營食無藜藿歲時淹  
 久情禮漏畧瞻望壽堂脾酸肺一作肺削驅策輿隸匍匐宛  
 洛清酒隻鷄中疑作中哀獻恪涼風白露帷帳蕭索門戟朝  
 開井桐夜落生芻一束意不為薄寫慟絕於精靈冀斯文  
 之可託

祭呂郎中文

集作祭呂衡州温文

柳宗元

維元和六年歲次辛卯九月癸巳朔文粹作八某日友人  
月癸亥朔

守永州司馬員外置同正員柳宗元謹遣書吏同曹家人

襄兒以集作奉清酌庶羞之奠敬祭于呂八兄化光之靈嗚

呼天乎君子何厲天實仇之生人何罪天實讐之聰明正

直行為君子天則必速其死道德仁義志存生人天則必

夭其身吾固知蒼蒼之無知集作信冥冥文粹作漠漠之無

神今於化光之歿怨文粹作悲逾深而毒愈集作逾甚故復呼天

以云云天乎痛哉堯舜之道至大以簡仲尼之文至幽以

默千載紛爭或失或得二本作作乎吾兄獨取其真二本作貫

乎化始與道咸極推而下之法度不惑旁而肆之中和允

塞道大藝備斯為全德而官止刺一州年不逾肆文粹作五十

僮王之志沒而不立豈非脩文粹作循正立以召災好仁義以

文粹作天者耶宗元少二本作切雖好學晚未聞道文粹作秦

泊乎獲友君一作吾子乃知識集作適於中庸削去邪雜顯彰

二本作陳直正而為道不謬吾兄二本作兄實使然嗚呼積乎中不

必施於外裕乎古不必諧於今二事相兼二本作勤從古至少

至於化光最為太甚理行第一尚非所長文章過人畧而

不有夙志所著文粹作蓄巍然可知貪愚皆貴險狠皆老則化

化之天厄反不榮歟所慟者志不得行功不得施蚩蚩之

民不被化光之德庸庸之俗不知化光之心此言一出內

若焚裂海內甚廣知者集作音幾人自友朋凋喪志業殆絕

惟望化光伸其宏畧震耀昌大與行於時德使斯人二本作使

徒斯人知我所立今復往矣吾道窮二本作息矣雖其大二本作存者

志亦死矣臨江大哭萬事已矣窮天之英文粹貫古之識

一朝去矣二本又一本復何適嗚呼化光化光今集有後字何

為乎止乎行乎昧乎明乎豈蕩而為大空與化無窮乎將

結而為光耀以助照臨乎將二本為雨為露以澤下土乎

將為雷為霆以泄怒怒乎豈為鳳為麟為景星為慶二本

雲以寓其神乎將為金為錫為珪為璧以棲其魄乎豈復

為賢人以續其志乎將奮為明神以遂其義乎不然是昭

昭者其得已乎其不得已乎抑有知乎其無知乎彼且有

知其可使吾知之乎幽明茫然一慟腸絕嗚呼化光度或

交粹聽之尚饗作幾

祭李中明文

前人

維年月日柳某謹以清酌庶羞之奠致祭于亡友中明

靈夫子之道邈以恒兮夫子之志勵以兢兮求中以謙二

集本末若履水兮敦仁以孝實烝烝兮雖一作毀無虧禮

莫微兮集作惟毀死虧秉端守一信厥朋集作兮月踰歲

長行若登兮外溫其顏內類直繩兮謾言來加不遽陵兮

舉世羣非自視弘兮庶優游於道大賚是承兮掩寬舒抑

與類升兮胡茫茫而集作不信卒以禍仍兮豈諂忠哀集

注作秉信鬼所憎兮將教言吾欺終不可微兮吾方冀子

于暮翼有興兮今而棄余志若崩兮若將接而止喪厥肱

兮怛而集作殞心交背膺兮水之綿綿山萬層兮又淫以

雨雪紆委礪礪兮鳴鶴夜號集作羣瞑凝兮竟思柳州本

作鬼

以行中道凌兢兮眊眊搗呵曷可憑兮聊致吾慎集作斯  
言孰稱兮

英華卷第九百八十六

苑英華卷第九百八十七

祭文十

交舊十

祭崔使君簡文一首

祭崔使君神柩歸上都文一首

祭崔使君敏文一首

為崔侍御祭穆員外文一首

祭李柳州文一首

祭太常裴少卿文一首

祭薛中丞文一首

祭虞部張員外文一首

祭亡友柳子厚文一首

祭張給事徹文一首

祭竇司業文一首

祭馬僕射惣文一首

祭柳州柳員外文一首

祭集有姊崔使君簡文

柳宗元

某年月日某謹以清酌庶羞之奠祭于永州刺史傳陵崔

君集作公之靈天之生人或哲或愚君取其英爰輝集作耀于

初譽動京師集作邑施于方隅密勿書奏元侯是俞蜀寇內

侮禍連羗髻君出顯畫披攘其徒南平劔門西獲戎俘超

受刑曹留守集作摠南都移刺連部下民其蘇道不可常病

或中途悍石是餌元精以渝雷謗爰興按驗增誰始雖進

律終以論辜溟海浩浩而君是踰崇集作嵩山茫茫而君是

居厥弟抗憤叫于天集作康衢天子憫焉訊以文書御史既

斥連師是除期復中壤遽淪別區喪還大浸又溺二孤痛

毒荐仍振古所無何適讀作適于天降此剪屠柩不及歸寓

葬荒墟將葺將就誓還里閭嗚呼君之子姓惟自我出

儀既虧父訓又失煢煢相祖撫悼增恤咸冀其才以大家

室惟昔與今集作君年殊志正晝諮夕討期正文律實契師

友豈伊親暱集作睨誰謂斯人變易成疾良志莫踐乖離求

訣集作訖嗚呼末山之西湘水之東殞紉以出斧屋爰封神

非久留息駕于中書石為誌世德斯崇拜首以酌出涕無

窮集作予與以酌涕出焉窮

祭崔使君神柩歸上都文

前人

嘻乎崔公之柩嘻乎崔公楚之南其土不可以室或坳而

頽或塌而萃陰流一作沉泄漏濺沒渝溢碩鼠大蟻傍穿側

出虧踈脆薄父乃自室不如君之鄉或堅或密嘻乎崔公

楚之南其鬼不可與友踪矣佻險睽神欺苟脞賤暗習輕  
器一作妄走不思已類好事群醜不如君之鄉式和且偶  
日月甚良子姓甚勤具是舟輦寧君之神去爾夷方返爾  
故隣奔奔其歸宜樂且忻君死而還我生而留未矣殊世  
曷從之遊酌觴于座與涕俱流

祭崔使君敏文

前人

夫產崑崙者難為王植鄧林者難為木公以令望顯于華  
族藝邃六書學該七錄耽此黃老恬於寵辱入補黑衣出  
參旬服紀綱淮海政令維肅宰制岳濱周於仁育儲闈典  
議直清攸屬父次推能二州繼牧至于是邦率由舊俗和  
易勿亟優游自足既有小集作吏亦勤集作庶獄妖誣殄

淮祠剪覆出令三歲人無怨讟進律未行歸神何速某  
咸以罪戾謫茲炎方公垂惠和枯槁以光鳴鸞適野泛鷁  
沿湘廣筵命樂華燭飛觴高歌屢舞終以無荒紛慮斯屏  
憂懷暫忘良時不再斯樂難常今其柰何顧慕增集作傷  
嗚呼哀哉空有迭去川無息流追懷曩晨恍若夢遊奠撤  
集作中寢魂遷葉集作舟邦人未思匍匐隱憂况我懷德  
心焉若抽素誠可鑒蘋藻非羞

為崔侍御祭穆員外文

韓愈

維年月日故人博陵崔愬謹以清酌之奠祭于亡友穆六  
端公之靈於乎建中之初予居于嵩携扶北奔集注避盜  
來攻晨及洛師相遇一時顧我無集作如故睠然顧之子有



令聞我來自山之子峻明我鈍而頑道實集作云異誰從

知我我思其厚不知其可集注作不可而可於後八年君從杜侯

我時在洛亦應其招留守無事多君子察罔有疑忌惟其

嬉遊草生之春鳥鳴之朝我轡在手君揚其鑣君居其集注

作復室我既來即或以味集作歌或以偃側誨余以義我

復集註作以誠終日以蜀本作語無非德聲主人信諛有感

其下殺人無罪誣以成過入救不從反以為禍赫赫有聞

王命三司察我于欲相從係縲直一作生何蜀本作樂曲死

何蜀本作悲上懷王人蜀本作內閔抗本作其私進退之難君

集作處之宜既釋于囚我來徐州道之悠悠思君為憂我

如京師君居父喪哭泣而拜言辭不通我歸自西君反唐

服晤言無他往復其昔不日而違使集作重我心則自後

聞君母喪是丁痛毒之懷六年以并集注孰云孝子而殞

厥靈今我之至入門失集作聲酒肉在前君胡不食升君

之牀集作不與我言嗚呼死矣何日來還

祭李柳州文

前人

維元和元年歲次景戌二月乙未朔二十四日戊午將仕

郎守江陵府法曹參軍韓愈謹以清酌庶羞之奠敬祭于

故柳州李使君貞外二集作兄之靈古語有之白頭如新

傾蓋若舊顧意氣之何如何集作日時之足究當貞元之

癸未一作揚皇威而左授伏荒炎之下邑嗟名類而位仆

歷貴部而西邁邇清光於集註暫觀言莫集作交而情無

文苑英華 卷之九 祭文 祭李柳州文 三

由既不賈而奚售哀窮退集作之無圖學集作百憂以集

作而自副辱問訊之網繆常集作飽饑而愈夜接雄詞於章

句窺逸跡於篆籀苞黃其而致貽一作獲筆紙之雙貿技

義魚之短韻愧誦瑕而舉秀俟新命於衡陽費薪芻於館

侯空大亭以見處憇水木之幽茂逞英心於縱博沃煩腸

於集註清酌航北湖之空明覩鱗介之驚透宴州樓之豁

達衆管啾集作而並奏得恩惠於新知脫窻集作愁於往

陋輟行謀於俄頃見秋月之三穀逮天書之下降猶低廻

以宿留念睽離之在期謂此會之難又援集作縞紵以託

心示茲誠之不謬儻後日之北遷約窮歎於一晝雖掾奉

之酸寒要拔貧而為富何人生之難信指集作斯言而莫

就始訝信而一作暫踈逐承集作凶於不救見銘旌之低

昂尚遲疑於別袖憶交酬而迭舞奠單杯而哭柩美夫君

之為政不撓一作志於讒搆遭唇舌之紛羅獨凌晨而孤

雖彼憮人之浮言雖百年一作其何詬洞徃古而高觀固

邪正之相寇幸竊覩其始終敢不明白而蔽覆神乎來哉

辭以為侑尚饗

祭太常裴少卿文

前人

維元和九一作年給事中李逢吉給事中孟簡吏部侍郎

張惟素吏部侍郎張賈比部郎中史館脩撰韓愈等謹以

庶羞清酌之奠致祭于太常裴二十一兄之靈朝廷之重

莫過乎禮雖經策具存而精通蓋寡自郊丘故事宗廟時

宜大君之所勞求丞相之所卒問群儒拱手宗祝醉心兄  
皆指陳根源斟酌通變罔不允符天旨克協神休至于公  
卿冠婚士庶喪祭疑皆響答問必實歸從我者定集作為  
軌儀異我者無逃指笑動為時法言比集作古經獨立一  
朝高示千古而又驅馳朋執僂俛宗親擔石之儲常空於  
私室方丈之食每盛於賓筵贈必固辭求無不應孰云具  
美而不末年愈等早接遊從實欽道義致誠薄奠以訣終  
天嗚呼哀哉尚饗

祭薛中丞文

同李逢吉  
孟簡等

前人

維元和九一作元非年歲次甲午閏八月乙巳朔十五日己未

某官某乙等謹以清酌庶羞之奠祭于亡友故御史中丞

贈刑部侍郎薛公之靈公之懿德茂行可以勵俗清文敏  
識足以發身宗族稱其孝慈友朋歸其信義累升科第亟  
踐班行左掖南臺共傳故事詩人墨客爭諷新篇羽儀朝  
廷輝映中外長途方騁大限俄窮聖上軫不憖之悲具寮  
興云亡之歎况某等忘言斯久知我俱深青春之遊白首  
相失來陳薄奠詎盡哀誠嗚呼哀哉尚饗

祭虞部張員外季友文

前人

維元和十年月日中書舍人王涯考功郎中知制誥韓愈  
禮部侍郎崔群京兆尹許季同考功員外郎庾承宣河中  
節度判官殿中侍御史邢冊等謹以清酌庶羞之奠敬祭  
于亡友張十三員外之靈嗚呼往在貞元俱從賓薦司我

明試時維邦彥各以文售幸皆少年群遊旅宿其歡甚焉  
出言無尤有獲同喜他年諸人莫有能比倏忽逮今二十  
餘歲存皆衰白半亦辭世外纏公事內迫家私中宵興歎  
無復昔時如何今日集註作於今又失夫子懿德柔聲永絕心  
耳廬親之墓終喪乃歸伴集作陽瘖避職妻子不知分司憲  
墓風紀由振遂遷司虞以播華問不能老壽孰究其因託  
嗣於宗天維不仁酒食備設靈其降止論德叔情以視諸  
誅哀哉尚饗

祭亡友柳子厚文

前人

維元和十五年歲次庚子五月壬寅朔五景午韓愈謹  
以清酌庶羞之奠敬祭于亡友柳君集本唐文粹無君字子厚之靈

嗟嗟子厚而至然耶自古莫不然我又何嗟人之生世如

夢一覺其間利害竟亦何校當其夢時有樂有悲及其既

覺豈足追惟凡物之生不願為杭本材犧罇青黃乃木之

災子之中棄天脫馬羈玉佩瓊琚大放厥詞富貴無能磨

滅誰紀子之自著表表愈偉不善為斲血指汗顏巧匠旁

觀縮手袖間子之文章而不用世乃今吾徒掌帝之制子

之祝人自以無前一斥不復群飛刺天嗟嗟子厚今有今

亡一作今臨絕之音一何琅琅徧告諸友而二本以寄厥子

不鄙謂余亦託以死凡今之交觀勢厚薄余豈可保能承

子託非我知子子實命我猶有鬼神寧集註作子文粹作弗敢遺墮

念子未歸無復來期設祭棺前矢心以辭嗚呼哀哉尚饗

祭張給事徹文

前人

維年月日兵部侍郎韓愈謹以清酌之奠祭于故殿中侍  
御史贈給事中張君之靈惟君之先以儒名家逮君皇考  
再振厥華鄉舉集作貢進秀有司第之從事元戎謹職以治  
遂拜郎官以職王憲不長其年飛不盡翰乃生給事松貞  
玉剛幹父之業纂文有光屢辟侯府亦佐梁師前人是似  
耆吏嗟咨御史闕人奪之於朝大厦之構斧斤未操府遷  
幽都頑悖未孚繫君之賴乃奏乞留乃遷殿中朱衣象服  
集作板是惟義之趨豈利之踐虺豺發豐闔府屠割集作剝償其  
恨犯君獨高脫露刀成林弓矢攘攘千萬為徒噪謹為狂  
君獨叱之上不負汝為此不祥將死無所雖愚無知慚屈

變色秉

集作君

義不辱殺身就德天子嘉之贈官近侍歸於

一死萬古是記我之從女為君之配君於其家行實高世

無所於

集作掩

葬與

集註作與

魂東歸誅以贈之莫知我哀嗚呼

哀哉尚饗

祭竇司業年文

前人

維年月日兵部侍郎韓愈謹以清酌庶羞之奠祭于故國  
子司業竇君二兄之靈惟君文行夙成有聲江東魁然厚  
重長者之風一舉於鄉遂收厥功屢佐大邦表本作侯以調兵  
戎詔曰予虞汝為郎中乃令洛陽歲且四終維刑之慎掌  
正隸僮命守高平命副集作制儒宮朱衣銀魚象服以崇錫  
榮考妣孝道上窮官不滿能亦云達通逾七望八年孰非

公蜀本作瑜七八年孰非望公非在君無憾我意不充君之昆第三以詞

雄刺史郎官集作中四繼三同於士大夫可謂顯融我之獲

見實自童蒙既受誘勸集作既在麻之蓬自視鷦鷯望君

飛鴻四十餘年事半如夢集作四十年餘事如夢中分宰河洛愧立並

躬俱苦集作官於學以織臨洪惠詩不酌報德以空死生莫

接孰明余集作我衷於祭告情文以自攻嗚呼哀哉尚饗

祭馬僕射惣文 前人

維年月日吏部侍郎韓愈謹以清酌庶羞之奠敬祭于故

僕射馬公十二兄之靈惟公弘大温恭全然德備天故生

之其必有意將明將昌實艱初試佐戎滑臺斥由尹寺適

彼甌閩軌軌跋踣一作顛而不跋乃得其地于泉于虔始

郡符遂殿交州抗節番禹去其蝥蠹蠻越大蘇擢亞秋

官朝得碩士人謂其崇我勢始起東征淮蔡相臣是使公

兼邦憲以副經紀殲彼大寇厥勲孰似蜀本作以丞相歸治番

長蔡師茫茫黍稷昔實棘茨鳩鳴雀乳不見梟頤惟蔡及

許舊為血仇命公并侯耕借之牛束其弓矢禮讓優優始

誅郟戎厥疆集作墟腥臊公往滌之茲惟樂郊惟東有猗惟

西有虺顛覆朋鄰我餘有幾律率中居斬其脊尾岱定河

安惟公之躋帝念厥功還公于朝昇蜀本作陟于地官且長百

寮度彼四方孰樂可據顧瞻衡鈞蜀本作鈞衡將舉以付惟公

積勤以疾以憂及其歸時當謝之秋賀問李邕本作門未歸弔

廬已萃未燕于堂已哭于次昔我及公實同危事且死且

生誓莫捐棄歸來握手曾不三四曾不濡翰酬酢文字曾  
不醉飽以勸酒哉莫以叙哀其何能致嗚呼哀哉尚饗

祭柳州柳員外文

崔群

惟靈天資秀異才稱雋傑早著嘉名遠播芳烈愬六藝之  
要妙踐九流之治切鏤錙鋒利浮雲可決騏驎逸步飛塵  
可絕閉匣不用伏櫪何施才命罕并今古同悲五嶺三湘  
寒暑潛推樂道忘憂襟靈甚夷揆藻揮毫騫翔是期柰何  
終否神也我欺嗚呼鷗飛半空羊角中戾彼蒼難詰善人  
斯逝群宿受交分行敦情契遺文在篋贈言猶佩撫孤追  
往泫然流涕孑孑丹旒翩翩素帷鵬弔是月龜從有時路  
出長阡將赴京師旨酒一觴哭君江湄往矣子厚魂斯來

尚饗

文苑英華卷第九百八十八

祭文十一

交舊十一

祭柳員外文二首

祭吏部韓侍郎文一首

祭劉巡官文一首

祭座主兵部尚書顧公文一首

祭清河李少尹文一首 祭韓令公文一首

祭豐州李大夫文一首 祭李侍郎文一首

祭中書常相公文一首 祭李司徒文一首

祭柳員外文

劉禹錫

維元和十五年歲次庚子正月戊戌朔日孤子劉禹錫銜  
哀扶力謹遣所使黃萇具清酌庶羞之奠敬祭于亡友



柳君之靈嗚呼子厚我有一言君其聞否惟君平昔聰明  
絕人今雖化去夫豈無物意君所死乃形質耳魂氣何託  
聽余哀詞嗚呼痛哉嗟余不天甫遭閔凶未離所部三使  
來弔憂我哀病論集作以苦言情深禮至款密重復期於  
集作中路更申願言途次衡陽云有柳使謂承集作前約  
忽承訃書驚號大叫如得狂病良久問故百哀攻中涕洟  
迸落魂魄震起集作伸紙窮竟得君遺書絕絃之音悽愴  
徹骨初託遺嗣故集作其不孤末言歸轡從祔先域凡此  
數事職在吾徒永言素交索居多遠鄂渚差近表臣分深  
想其間計心勇於義已命所使持書徑行友道尚終當所  
集作加厚退之承命改牧宜陽亦馳一函候於便道勒石

後屬于伊人安平宣英會有還使悉已如禮形於冥本  
其書嗚呼子厚此是何事朋友凋落從古所悲不圖此言  
乃為君發自君失意沉伏遠郡近遇國士方伸眉頭亦見  
遺學集作恭辭舊府志氣相感心踰常倫顧余負甕營奉  
方重集作猶冀前路望君銘旌古之達人朋友製蜀本服  
今有所厭其禮莫伸朝脯臨後出就別次南望桂水哭我  
故人孰云宿草此慟何極嗚呼子厚卿其死矣終我此生  
無相見矣何人不達使君終否何人不老使人夭死皇天  
后土胡寧忍此知悲無益柰恨無已子之不聞余心不理  
含酸執筆輒伸復集作止誓使周六同於已子魂兮來斯  
知我深旨嗚呼哀哉尚饗

為鄂州李大夫祭柳員外文

前人

嗚呼至人以在生為傳舍以軒冕為儻來達於理者未嘗  
惑此昔余與君論之詳熟孔氏四科罕能相備惟公特立  
秀出幾於全器才之何豐運之何否大川未濟乃失巨艦  
長途始半而喪良驥縉紳之倫孰不墮淚昔者與君交臂  
相得一言一笑未始有極馳聲日下驚名天衢射策差池  
高科齊驅携手書殿分曹藍曲心志諧同追歡相續或秋  
月銜觴或春日馳轂旬服載暮同升憲府察視之列斯焉  
接武君遷外郎予侍內闈出處雖間音塵不虧勢變時移  
遭罹多故中復賜環上京良遇曾不踰月君又即路遠持  
郡符柳江之孺居陋行道疲人歌焉予來夏口忽復三年

離索則久音貺屢傳篋盈草隸架滿文篇鍾索繼美班揚  
差肩賈誼賦鵬屈原問天自古有死奚論後先痛君未老  
美志莫宣遭廻世路奄忽下泉嗚呼哀哉令妻早謝穉子  
四歲天喪斯文而君永逝翩翩丹旆來自遐裔聞君旅視  
既及岳陽寢門一慟貫裂衷腸執紼禮乖出疆路阻故人  
奠觴莫克親舉馳神假夢冀獲寢語平生密懷願君遣土  
遺孤之才與不才敢同已子之相許嗚呼哀哉尚饗

祭吏部韓侍郎文

李翱

嗚呼孔氏云集作去遠揚朱恣行孟軻拒之乃壞于成戎風  
混華異學魁橫兄常辯之孔道益明建武以還文卑質喪  
氣萎體敗剝剝不讓儷花閭葉顛倒相上及兄之為思動

鬼神撥去其華得其本根開文粹合恠駭驅濤湧雲包劉

越羸並武同殷六經之風絕而復新學者有歸大變于文

兄之仕官文粹罔辭於艱文粹于難作疏奏輒斥去而復遷集

還升黜不改正言亟聞貞元十二兄在汴州我遊自徐始

得兄交視我無能待予以友講文拆道為益之厚二十九

年不知其父兄以疾休我病臥室三來視我笑語集作窮

日何荒不耕會之以一人心樂生皆惡言凶兄之在病則

齊其終順化以盡靡憾文粹于中別我集作欲別千古意如不

窮臨喪大號决裂肝胷老聃言壽死而不亡兄名之垂星

斗之光我狀兄行下于太常聲殫天地誰云不長喪車之

來集作我刺廬江君命有嚴不見兄喪遣使奠宰百酸攪

勝音容若在曷日而忘嗚呼哀哉尚饗

祭劉巡官文

前人

維元和七年歲次壬辰九月景辰朔十五日庚午觀察判

官攝監察御史李翱等謹以清酌庶羞之奠敬祭于劉君

之靈我等與君同列賓筵共食借行歲辰再遷公事多暇

嬉遊自般柳垂於集作塘荷秀于川或泛在水或祭在山

歌京本酒終夜觴鱣往還笑言無虛咸盡其歡君實強盛

時惟壯年宜哉壽考福祿來臻奈何遭疫集作針藥弗痊

日冀返初憂危遽傳長路未極琴書忽捐嗚呼哀哉堂有

老母室有少妻幼男稚女蜀本作幼或童或孩發聲怨切

弔者酸悽祔葬舊城隨喪以歸已矣劉君自古如斯有肉

一豆有酒蜀本作盈卮我來告集作別去去長辭嗚呼哀哉

尚饗

祭座主故兵部尚書顧公文

呂溫集無

維貞元十年歲次甲申月日門生侍御史王播監察御史  
劉禹錫陳諷柳宗元左拾遺呂溫李逢吉右拾遺盧元輔  
劍南西川觀察支使李正叔萬年縣主簿談元茂集賢殿  
校書郎王啓秘書省校書郎李建京兆府文學李逢渭南  
縣尉席夔鄂縣尉張隸初奉禮郎獨孤郁協律郎蕭節奉  
禮郎時元佐滎陽主簿李宗衡前鄉貢進士鄭素等謹以  
清酌之奠祭于座主故兵部尚書東都留守顧公之靈我  
義靈山時雨將洩耽耽大厦崇構已設歲旱方極川流  
遶

宏棟待施梁木斯折玉碎珠沉瑩芝焚酷烈貞芳獨留千  
古不滅嗚呼哀哉伏惟公神氣輔質天降英靈剛健中正  
內外和明岐嶷之初不教而成敦敏之後確然已貞霽霽  
孤雲逸我高情昭昭白日懸我明誠志勵義深心融氣清  
靖若翔隼藹如芳英於乎立人成身忠孝一美自古全者  
一人而已明君得臣賢父知子公獨兼備敢陳終始厥初  
知禮嚴訓柔順義方年未逾中道行于鄉盈庭之戲衆稚  
且狂觴管在身我獨矜莊沐浴風雨盥漱雪霜未薦甘旨  
未敢衣裳斯惟至性厥有大孝乃揚儒風乃奉文教服勤  
之功煥飾之効金石成聲緝麗開照越國山秀吳門水深  
句曲宵朗湘沅夕陰怡神導和滌思凝心棄我奇寶鏗然

至音天寶季年羯胡內侵翰苑詞人播遷江潯金陵會稽  
文士成林嗤銜爭馳聲美共尋損益褒貶一言千金洙泗  
之風弊而侵淫我乃閉關響絕光沉藏輝必發含章以俟  
蛟龍得雲平陸騁驚人或妙用我蘊成器人矜諛聞我愚  
大智聿來膠庠石此淳懿鄉選或兢我則無愧芳桂盈手  
青霄坐致春從干畿冬踐郎吏危險立則一作績艱難見志  
諫草焚灰絲綸深秘命官儲賢有國大備至公苟在淳化  
不墜翰選精重睿思虔志繫於安危弘此教義我雖受命  
求人報天工惟選藝器必搜賢松菊有烈薰猶在前妍蚩  
自分衡鏡高懸潛符希夷化若神仙道貫品類心冥陶埏  
歸吾至精復命上玄物不可棄道由爾全毛翔鸞鳳殼蛻

龜蟬萬類俱適三清晏然伊昔仲尼其徒三千命不可求  
文實在焉微言僅存正氣莫宣用苟登席希徒執鞭曷如  
清時文柄克專髦彥必舉典謨備甄中侍六載內朝十年  
三司秋賦五掌春銓翼翼京師教化之先肅恭誠敬昭彰  
可傳在昔成周左伊右瀍乃命保釐撫我三川資仁感義  
與道周旋煥乎成功巖若崇巔乃飾兵車兵利革堅乃脩  
農畝闢隴開阡榛穢荒蕪化爲良田汗秦溝瀆流爲清泉  
忠至誠達思焦身捐醴其必竭膏明乃然嗚呼哀哉駟騎  
霄馳皇慈中激后復直質臯還魂魄新命簫鼓舊原松栢  
陵谷可移德音不易嗚呼哀一作痛哉播等接自諸生昇爲  
王賓念必期於霄漢手親擢其泥塵播管再忝於科第始

一命於朝倫感自衷於誠接權自已而情均或負知於一  
紀或登用於數旬恨俱長而各異哀靡極而寧伸九在京  
兆一十九人四忝御史三為諫臣孔門有光游夏脩身遠  
莫雖設用茲慰神馨香可薦醪醴方陳歔歔相從列拜斯  
文伏惟尚饗

祭河南李少尹文

沈亞之

維長慶四年五月十七日福建等州團練副使沈亞之謹  
遣部集作郡吏李權奉酒殺之奠敬祭于故河南少尹李公  
之靈夫哲智之達塞兮繫其時之難集作艱通故孔子厄而  
周公隆管遇齊而卒業賈遭漢而不終嗚呼哀哉古昔所  
何集作思所思惟時謨不我進綱不我維民不得濟道安集作

不得施雖富且貴夫何用為夫子之道沒矣今將遺誰卷  
清明之特達歸壤屢而戴之哀哉尚饗

為韓尹祭韓令公文

前人

澤梁宋之戎郊涵雄渾於雲水陶沉毅以集作與濃剛作耽

耽集作之巨士綿將流於先故集作洪光鼓神濤之在已昔丞

相之東征統梁城之千雉命賓余以掌燧蹤枝馬之遺美

見公佩之橫腰冠衙旗於宋壘及夷門之節臥余奉歸于

故里寧後者之無當鴻集作顛狂埃之勃志司馬啖而賓徒

烹血肉肆而為市何繼師之無作始公之功由是伏豺豹

於神貌遂寧清乎千里聞君書於天閣帝嘉悅而忘耻嘗

叙族以姪余謂同源於康子言康樂於一方竟綿歷乎再

紀廩蓄衆

集作粟

以億計積有餘而流委櫪甲馬之萬銜惟

君王之所指撲淮童與齊蠶猶烹冰以療葦想

集作視

燕趙

之強侯若負埴之群蟻彼承風其如何聞當飯而遺七乃

集作及

柱天而轍日信博壯之可倚淞諒陰

集作聞

之初晨遂

踐阼而為治推轂分昇壇河橋兮卽時恩光被以湛稠仍

分疆以及嗣遵比

集作往

年之來覲且差班於父子復何殃

之不造遽相追而沒齒榮華之不道兮倏云乎已矣悼皇

情以注想每凝旒而撫宸錫祕物之必周余將

集作得

命為

臨視還壤厦之將駕導清笳於哀徵鑒卑志之繁恭願降

欽而省此嗚呼哀哉尚饗

### 祭豐州李大夫十八丈文

令狐楚

嗚呼韶亂之年獲見大夫自以成器異於群倫自降而遷

垂三十春服義懷德遠而逾親靈州不協坐謫三楚遐服

徂征高館晤語謂天之道正直是與捧手欲辭以心相許

群后抗疏頌

疑作訟

公無辜羽林森森天授兵符適值南還

穎耀神都風天雪夜買酒相呼帝命并土喜公為副令尹

是毗賢王是輔嗟我小子此焉婚娶贄幣既求酒年亦具

河外西城振胡鎖戎詔遷大夫開府其中平生相知招我

以弓竟通方寸不能從公自此違奉無由詣謁絡繹篇章

綢繆書札不聞嬰疾不得留訣倉卒一辭寂寞長別嗚呼

哀哉惟先將軍有庸有勳及公嗣興武不害文義分如霜

志氣干雲頭蓬面垢報國事君土田未封旄鉞未受天寶

福善神明為咎埋沒黃沙摧殘白首雖以瞑目豈能鉗口  
孤旄翩翩反葬秦川經過故府悵望新阡魂氣何之音容  
悄然攀轅薦莫苦浹潺湲

祭李侍郎文

白居易

維長慶元年歲次辛丑五月景申朔十日乙巳翰林學士

守中書舍人集作中散大夫守中書舍人翰林學士上柱國賜紫金魚袋元稹朝議郎

守尚書主客郎中知制誥白居易謹以清酌庶羞之奠敬

祭于故刑部侍郎贈工部尚書隴西李公杓直之靈於戲

代重名義公能佩服德潤行羶彬彬集作温温郁郁集作嚮善者

如蟻慕肉時重爵位公負楨幹天官是攝司寇是替集作

天官是攝是贊尚書六職公理其半朝重文翰公掌詔令西閣絲

書內庭密命公實出入迭操二柄家重隆盛公暨陳許

掖中臺差肩接武青幢赤第叔出季處門重婚嗣公娶令

族鎗鎗振振和鳴以續男女七人五珠二玉年重壽考公

亦云老心雖壯健髮已華皓五十加八亦不為夭八重康

寧公體豐盈迨乎奄忽不失和平啓手足夜無呻吟聲古

稱五福公有七福凡人得一死猶瞑目矧公兼之豈有不

足所不足者不在公集作共身怏怏惻惻其在他人為門戶

惜主為骨肉惜親為吾儕惜良友為朝廷惜賢臣况猶也

不才居易無似辱與公遊十九年矣昔貞元年集作俱初

筮仕並命同官蘭臺令史以公明達以我頑鄙度長挈集

集能信非倫擬一言膺京本作合不知所以莫逆之交實集



貴從茲始間登清近

集作清近問登近

迺懼讒毀江澧通州左遷萬

里或合或散一伏一倚浩浩世途是非同軌齒牙相軋波

瀾四起公獨何人心如止水風雨如晦鷄鳴不已不因紛

阻孰辨君子以膠投漆如弧有矢所以綢繆見于生死前

年去年次第徵還或先或後俱到長安水流火就松茂栢

權置酒欲飲握手何言初論瘴癘次叙艱難三心六眼同

一潸然積與居易旋登禁掖公領銓衡職勤務劇私室多

故公門少隙歡會實稀光陰虛擲互相勸勉急務勸適且

曰朱顏已去白日可惜花時集作寺春朝松園月夕大開口

笑蒲酌酒喫言約則然心期未獲嗚呼杓直而忍我遺棄

我何遽集作處捨我何之豈及真歸寂寞然而無所為將

集作強的然而有所知恍如聞兮倏如覩未甘心於

永辭彼有靈兮此有夢胡不一來兮質我疑逝川湫其不

回日月忽乎有時指岐下以歸柩備大葬之威儀禮有進

而無退祖於庭而送於京本畿旌竿舉兮轎輪動遂不得

少留乎京師嗚呼杓直其鑒于茲爵盈不飲豆乾不食如

之何勿思公兒號我公馬嘶我如之何勿悲嗚呼杓直已

而已而哀哉尚饗

祭中書常相公文

前人

維大和三年歲次己酉六月乙酉朔三十日戊寅中大夫

守太子賓客分司東都上柱國晉陽縣開國男食邑三百

戶賜紫金魚袋白居易謹以茶果之奠敬祭于故中書侍

郎平章事贈司空肅公德載惟公忠貞大節輔弼嘉譽倚  
注深恩哀榮盛禮伏見冊贈制中已詳惟公世祿官業家  
行士風茂學清詞冲襟弘度伏見碑誌文中已詳此不重  
書但申夙願公佩服世教棲心空門外為君子儒內脩菩  
薩行嘗集作常接餘論許追高蹤元和中出守開忠二郡日  
公先以喻金鑛偕相問徃復再三繇是法要心期始相會  
合長慶初俱為中書舍人日尋詣普濟寺宗律師所同受  
八戒各持十齋繇是香火因緣漸相親近及公居相位走  
在班行公府私家時一相見佛乘之外言不及他誓趨菩  
徒交親集作相度脫去年臘月勝業宅中公云心集作必結佛  
緣無如願力因自開經篋出大方廣佛華嚴經京本有中十

願品一通合掌焚香口讀手授自持護始傳一人曾未  
旬公即捐館追思復視似不偶然今即日於道場齋心持  
念一願一禮如公在前以王他生不敢廢墜至若與公同  
科第聯官寮奉笑言象推獎窮通榮頓之感離合存歿之  
悲盡成虛空何足言歎今茲薦奠不設葷腥庶幾降臨鑒  
察情集作精意噫浮生是幻真諦非空靈鷲山中既同前會  
堯率天上豈無後期嗚呼肅君先後聞耳伏惟尚饗

祭李司徒文

前人

維大和四年歲次戊戌七月癸酉朔十九日辛卯大中大  
夫守太子賓客分司東都上柱國賜紫金魚袋白居易內  
重表弟朝請大夫守少府監上柱國李翱謹以清酌庶羞

之奠敬祭于故相國興元節度使贈司徒李公惟公之生

樹置名集作制節忠貞諒直天下所仰惟公之歿連集作遭罹

禍變京本作亂冤憤痛酷天下所知雖千萬其言終不能盡於

故集作茲奠次但寫私誠居易應進士以鄙劣之文蒙公稱

獎在翰林日以拙直之道蒙公扶持公雖徇公愚則受賜

或中或外或合或離契濶綢繆三十餘年至於豆觴之會

軒蓋之遊多奉光塵最承歡惠眷遇既深於常等痛憤實

倍於衆情永訣奈何長慟而已翺情兼中外分辱眷知綿

以歲時積成交舊敢申薄酬集作奠庶鑒微衷嗚呼哀哉伏

惟尚饗

文苑英華卷第九百八十八

文苑英華卷第九百八十九

祭文十三

交舊十二

祭元相公文一首

祭崔相公文一首

祭崔常侍文一首

祭處州李使君文一首

祭周相公文一首

祭蕭侍郎文一首

祭宣武王尚書文一首

祭太常崔丞文一首

祭元相公文

白居易

維大和五年歲次辛亥十月乙丑朔十七日辛巳中大夫

守河南尹上柱國晉陵縣開國男食邑三百戶賜紫金魚

袋白居易謹以清酌庶羞之奠敬祭于故相國鄂岳節度

使贈尚書右僕射元公微之之靈惟公家積善慶天鍾粹

和生為國禎出為人瑞行業志略政術文華四科全才一時獨步雖歷將相未盡謨猷故風聲但樹於藩方功利不周於夷夏噫此蒼生之不大遇也在公豈有所不足耶詩云淑人君子胡不萬年又云如可贖兮人百其身此古人哀惜賢良之懇辭也若情理憤痛過於斯者則號叫噎集作呼鬱之不暇又安可勝言哉嗚呼微之貞元季年始定交分行止通塞靡所不同金石膠漆未足為喻死生契濶者集無近此字三十載歌詩唱和者九百餘章播於人聽集作今不復叙至於爵祿患難之際空藉寐憂思之間誓心同歸交感非一布在文翰今不重云惟近者公拜左丞自越過洛辭別悲吒投我一詩云君應惟我留連久我亦與君離集

辭別難白頭徒侶漸稀少明日恐君無此歡又云集作自

識君來三度別遮集作迴白書老髭鬚戀君不去君須會

知得後迴相見無吟罷涕零執手而去私恠集作其故中

心惕然及公捐館於鄂悲訊集作忽至一慟之後萬恨集

感交懷覆視前篇詞意若此得非魄兆將先知乎集作先

無以繼寄悲情作哀詞三章集作今載於是以附奠文其

一云八月涼風吹白幕寢門廊下哭微之妻孥親友來相

弔惟道皇天無所知其二云文章卓犖生無敵風骨精靈

沒有神哭送咸陽北原上可能隨例作埃塵其三云今在

豈有相逢日未死應無暫忘時從此三篇收淚後終身無

復更吟詩嗚呼微之始以詩交終以詩訣弦筆兩絕其今

日嗚呼微之三界之間應不生滅集作孰四海之內誰無

無友集作交朋然以我爾之身為終天之別既往者已矣未

死者如何嗚呼微之六十衰翁灰心血流集作淚引酒再奠

撫棺一呼佛經云凡有業結無非因集與公緣會豈是偶

然多生已來幾離幾合寧無後期公雖不歸我應繼往安

有形去而影在皮亡而毛存者乎嗚呼微之言盡於此尚

饗

祭崔相公文

前人

維大和六年歲次壬子十月庚申朔二十四日癸未中大

夫守河南尹上柱國晉陽縣開國男食邑三百戶賜紫金

魚袋白居易謹以清酌庶羞之奠敬祭于故相國吏部尚

書贈司徒清河崔公敦詩惟公德望事業識量集作度操履

為時而生作國之紀巖廊輔弼集作匡輔藩部政理集作治父母

黎元股肱天子斯皆談在人口播於蜀本人耳今所叙者

眷知而已於戲自古及今實重知音故詩美伐木易稱斷

金始愚與公同入翰林因官識面因事知心獻納合章對

揚聯袵以忠相勉以義相箴朝按接集作同食夜牀並衾綢

繆五年情與時深及公登庸累分戎閫集作閫愚亦去國出

領符印徐宣外集作遠部忠抗遐郡鴈去寄書潮來傳集作得

信無由會各只望音問未卜後期但敦前分集有大和之

初連徵歸朝公長京本夏司愚貳秋曹王德彌堅集作温壯

集作松心不凋南宮多暇屢接遊遨竹寺雪夜杏園花朝杜

曲春晚潘亭月高前對青山後携濁醪微之夢得慕巢師

高集作或徵雅言酣詠陶陶或命俗樂絲管嘈嘈藉草蔭

松枕麵鋪糟曾未周歲索然分饌公又授鉞南撫荆蠻報

政入覲復惣天官愚因謝病東歸澗灑方從四皓旋守三

川日集作蒙訊問時集作奉周旋豈無要約良有因緣洛

城東隅履道西偏脩篁迴合流水潺湲與公居第間集作

巷相連與公齒髮甲子同年兩心相期三逕之間優游携

手而終老焉嗚呼易失者時難集作者天既奪我志又

殲我賢丘園未歸館舍先捐百身莫贖一夢不還鬱鬱佳

城茫茫九原淒涼蕭鼓慘澹風煙祖奠遲遲泣涕連連平

生親友羅拜柩前賢人已矣天地蒼然嗚呼哀哉敦詩

饗

祭崔常侍文

前人

維大和九年歲次乙卯二月景子通鑑目錄同朔七日壬

申當作午中大夫守太子賓客分司東都上柱國賜紫金

魚袋白居易謹以清酌之奠敬祭于故秘書監贈禮部尚

書崔公惟公之世祿家行文章政事播於時論此不復云

今但叙舊好寫哀集作誠而已嗚呼居易兄弟與公伯仲

前後科第同登者四五辱為僚友三十餘年集有膳部房

某集無與公同風集作塵之遊定膠漆之分兩家不幸十

年以來衰集作豐所鍾零落殆盡我老君病惟餘二人天

不憖遺公又即世不登大位不享末年夙志莫伸幽憤何

極居易方屬疾恙不遂執紼遣姪阿龜往展情禮此如不  
祭痛當集作未痛奈何嗚呼重易平生知我寢門一慟可得而  
聞乎重易平生嗜酒奠筵一酌可得而飲乎嗚呼哀哉伏  
惟尚饗

祭處州李使君文

杜牧

維會昌五年歲次乙丑某月日池州刺史杜牧謹遣軍事  
押衙王鏐以清酌庶羞之奠敬致祭于亡友李君起居之  
靈憶昔相遇兩未生鬚京師衆中跡猶甚踈一言道合盡  
寫有無我於宣城忝跡賓吏君隨幕府東下繼至復與友  
人故薛子威邂逅適願如相期為集作為期於談劇論集作論劇談  
各持是非攻強討深張干集作干毅機怒或絕赫終成笑焉

於後七年君拜左吏來蜀西川我官補闕云媿我先拜  
請代蓋私我焉我有家事乞假南來循行里第君出離杯  
今弟在席恣為詼諧耳熟瞻張觥連相狻我歸墜馬一支  
幾摧君來我坐側倚旁隈持簡集作特簡酸吟戲口猶開云君  
我殺以酒相加忌我之才及我南去君刺池陽我守黃岡  
葭葦之場惟君書信前後相望詞意纖悉勉我自強律我  
情性補短裁長一函每發沉憂併忘幸會交代沿一作沿檝  
若飛江上九月涼風滿衣為別幾時多少勸悲志業益廣  
不可窺知長人之術首集作莫為吏師縱酒十日舞袖傲垂  
語公之餘且及其私許以季女配我長兒莫云稚齒可以  
指期各負以壯輕後會時寓居宣城書札日馳一疾不起

訃來猶疑嗚呼哀哉惟先僕射儉德冠古凡二十年四領  
茅土所至所治曰人父母官俸餘半委庫不取京師里第  
蓬茅數畝慶餘生君曰天酬補何聰明才智兮不使施為  
何付與之多兮拆之何暴天陽地陰高厚相伴上有河漢  
鈇普借反天橫流百刻晝夜平分不饒皎不陰晦一月幾朝  
二男三女俗率如此三男二女無有其地君子小人鼻目  
並列與小人校曾不集作會無百一於百一中與集作以秀奪實  
人集作九稟陰陽生於其間陽常不勝賢者宜艱自古皆然  
欲復何言拊孤一弔拍棺一哭咫尺不遂涕下相續期於  
沒齒盡力嗣子嗚呼哀哉伏惟尚饗

祭周相公文

前人

繼太和五年歲次辛未七月辛未朔八日戊寅故吏朝議  
郎持節湖州諸軍事守湖州刺史杜牧謹遣押衙司馬素  
謹以清酌庶羞之奠敬祭于故相國僕射贈司徒周公之  
靈伏惟相公之道徧於天下至如牧者受恩最深爰自稚  
齒即蒙顧許及在官途援挈益至會昌之政柄者為誰念  
集作忿忍陰汗平聲多逐良善牧實忝幸亦在譴中黃岡大澤  
葭葦之場繼來池陽棲在孤島僻左五歲遭遇聖明收拾  
冤沉誅竄集作破罪惡牧於此際更遷桐廬東下京江南走  
千里屈曲越嶂如入洞穴驚濤觸舟幾至傾沒萬山環合  
纒千餘家夜有哭烏晝有毒霧病無與醫饑不兼食抑暗  
偪塞行少臥多逐者紛紛歸軫相接惟牧遠棄其道益艱



相公憐憫極力掀拔爰及作相首取西歸授之名曹帖以  
重職號國太子絳市謀人死而復生未足為喻旌旆西去  
拜於都門賢士大夫無不攀惜皆曰相公事君盡忠保道  
輕位大張公室盡閉私門彼由徑者跛倚不進天下賢彥  
明知所趣集作趨重德壯年衆期再入牧牧集作牧守吳興繼奉  
手示但思休退不言疾恙訃音集作問忽至慟哭問天嗚呼  
蒼生未濟而喪吾相吾為蒼生慟豈獨私恩想像音容思  
惟恩紀期於令嗣可以効死吳洛相遠逾於三集作二千無  
因拜柩見歸九泉哭送使者致誠奠筵伏惟尚饗

代李玄為崔京兆祭蕭侍郎文 李商隱

年月日

集有伏字

惟靈傳芳華甲冑稟慶靈源漢朝輔相之流

樂室帝王之遺懿克生儁德彰我休期高表百尋澄波萬  
頃及春闈獻藝會府試才駢驥出塵蛟龍得水頓纓而駑  
駘盡喪乘氣而驚蜃皆空憑凌遠天躡蹠長道是將筮仕  
先集作光乎縉紳侯國從知大朝就選祕寶宜陳於東序朱  
紱必降於上玄錦帳而居青纁以覆建禮推盡瘁之績明  
光多伏奏之勤亦既遷榮乃司論駁高居青瑣封還集作拆  
紫泥使明時無失政之譏大邦無不便之詔暫辭朝籍往  
分郡符借寇莫從徵黃甚急方將啓乎良友進彼令人志  
豈愛身誓將許集作匡國不謂踈網猶漏斯文集作氏永康作  
礪為鹽正俟理平之運依城憑社深懷剪滅之虞上蔽聰  
明內求媒近故鴻猷不得而叶贊譽化莫可以輔成貌是

流離有窘陰雨嗚呼令唯逐客誰復上書獄以黨人但求  
俱死銜冤遽往吞恨孤居日斷而不見長安形留而遠託  
異國屈平忠而獲罪賈誼壽而不長終易炎涼遂分今昔  
粵自東蜀言旋上京郭泰墓邊空多會塋鄧攸身後不見  
遺孤信陰騭之莫知亦生人之極痛某等頃同班列獲奉  
周旋分結死生地兼族類依仁既切慕德方深始驚南浦  
之悲俄軫下泉之仆今則年良月吉筮協龜從顧埋王之  
難追歎焚芝之集作而何及牲牢粗潔酒醴非多聊寫冊誠  
以申永訣

為絳郡公祭宣武王尚書文 前人

伏惟曾構高基往脩峻址俯為明時載生奇士杜林舅族

本文理揚惲外甥集素多圖史朱檻有裕括羽成美

逸足輕從東之道巨背欲圖南之水匡生明習董氏精專

魯壁墜簡汲冢遺編坐忘心流麥出記懷鉛淹中莫敵稷下

惟先朝有曲臺時推奧與子明博士之高選資衆儒之先覺

殷周損益夔夷禮樂既得根源盡除踏駁粉闈假途集作

諫署揚輝吾寧訐訕時好依違周舉上章惟求主悟賈生

草疏一作豈畏人非用之則至捨之則歸旋領藩符俄司

國計鋤革煩冗脩明課第鄙晉室之鬻練集作陳小漢朝

之造幣前籌未借歛笏還家再北非罪三黜何嗟淮陽勁

兵穎水豪族既佩新印仍推舊轂杜當陽何嘗跨馬雄士

集作爭推祭征虜不廢投壺師人自睦夷門地古梁苑藩

雄雙旌大旆二矛重弓無忌御車惟求隱者相如謝病乃  
慕高風方將副帝注心從時大願率周廟之奔走惣漢庭  
之議論人之不幸今也則亡莊子孰分其魍魎秦醫莫究  
其膏肓鴈沼波瀾空聞怨咽兔園臺榭祇見荒涼某獲顧  
允深蒙知甚早公昔分茅愚嘗集作當視草於劉向論思之  
時贊孟舒長者之號及茲出守實介親隣音微繼好寤寐  
依然常期異日克奉清塵何言未慟屬此佳辰訃哀如昨  
歸轍攸遵林薄莽蒼川原隱磷想諸葛之旗鼓空還舊壘  
念伯喈之書集作經籍已付何人候館攸開冊帙遽至瞻望  
衛幕連綿泰時寄奠申訣纖詞寫意終阻願於親躬徒加  
哀於殄瘁嗚呼哀哉尚饗

為濮陽公祭太常崔丞文

前人

年月日惟靈太岳繁祉平安望族潤地勢於長源構堂基  
於脩麓藍田之產宜有良玉徂來之林宜無凡木昔我待  
子松王之間冀十城之得價望千尋而可攀大年不登逸  
足方駛松欲秀而先蠹王將攻而遽毀聞問之時歎悼何  
已惟我承乏授命南征一言相許携手同行負絕萬里飄  
泊雙旌念兩婢之價倍媿五殺之酬輕地接殊隣風移中  
土五嶺三江炎飈瘴雨釣犀之潭跼鷺之渚席上從容幕  
中宴語先防載蕙之謗更示投香之所因使庸虛不罹罪  
罟越井之首甘綏之女時清則銅集作筒鑄納厨歲稔則銀  
簪叩鼓豈我之自唯予是與相從來覲又往于涇風埃古

戎霜雪孤亭偏察集作喪非之服纓胡之嬰塞迥而晨嚴刀斗

沙平而夜篤堯零指我以虜隙勉我以武經正慰窮邊我

集作忽還京邑北庭減價南轅一作園屑泣章臺碎掾方喜趙

嘉之來棘署選丞仍見譙玄之入是焉踐歷更篋飛翻况

乎鳳沼又棲領原何豐成於燥濕而厲結於寒暄未及西

山之藥旋為東岳之魂憶昨舊許員歸青門出餞樂作而

歎起杯行而淚泫俱容與集作悔吝於風波共沉吟於鐘箭揮

袂如昨郵書甚頻雖遙道里未濶聲塵孰謂念歸之日翻

為有慟之晨嗚呼哀哉髣髴荒阡依稀古陌徐動卅旒未

歸玄宅願執紼而身遠想移舟而目極迥野秋思群山暮

色悵白髮之衰翁哭青雲之舊客聊茲寄奠莫寫西悲已

為我歆之

文苑英華卷第九百八十九

文苑英華卷第九百八十九

文苑英華卷第九百九十

祭文十三

交舊十三

重祭外舅司徒文一首 祭薛節中文一首

祭呂商州文一首 祭楊節中文一首

祭張書紀文一首

重祭外舅司徒公文

此篇非交舊已移入九百九十一卷親族門

李商隱

為裴懿無私祭薛節中家文

前人

伏惟靈佐商宣業朝薛傳規門崢層構堂業崇基玉生藍  
岫芝產銅池梧高駐鳳蓮馥停龜有美令人載稱清邵訓  
在詩書樂惟名教王謝標格曹劉才調清如濯熱之風明

若觀朝之燎靈臺委鑒虛空融和秋水望濶春臺上多鄉  
塾掉鞅文林勵戈硯橫河漢紙落煙波澤宮狸首棘塲揚  
葉箭去星懸弓迴月怯兩書上第五辟名公馬卿賦雪陳  
琳愈風平臺竹苑淮山桂叢營分細柳幕染芙蓉顯備臺  
僚榮徙集作憲秩冠莪鐵勁衣明繡密霜下端簡風生落  
筆夜庭烏迴天秋隼疾帝念允職任于諫垣依違絕想從  
容敢言攀檻而空留跡在削藁而不見書存女史護衣太  
官供食伏奏多可分曹著績帳暖錦麗闌明粉白既題柱  
以如田一作曲非亦償金而類直漢榮出牧晉議州兵廉袴歌  
送劉錢贈行濟南之誅巨猾揚州之試諸生虎去江靜珠  
來岸明神豈好謙天寧秩禮靈華國之名品喪士林之傑

使爲善者奪氣求仁者解體已不駐於卿雲竟何窺  
湫濟長洲樹古茂苑山春橘稅既集茶征是親鷁渡雪而  
去遠鵠下亭而咲頰翟虜氛興殷楹夢起帳入飛鵬牀驚  
鬪蟻鄭玄知數阮瞻無鬼終自膏肓傳於骨髓嗚呼哀哉  
丹霄萬里建木千尋坦坦清路幢幢集作翠陰三襲臺廻  
九重禁深中懸流宸下集華簪無非東箭盡是南金或扶  
傾作棟或望早爲霖顯允明公宜膺百福夜暗神昧天長  
景促青女變霜曦和納旭悄隋掌以銷璣慨周閑之喪駮  
永惟清族本富才人有弟則陸無兄不苟原鶴奕奕沼鴈  
馴馴珩竒動楚壁貴傾秦水矣彼蒼胡然人事但續椿壽  
徒高鶴位摧壓光價掩淪聲味穎不濁而殄灌宗淮未絕

而傾王氏某甲因承中外集作某甲獲奉恩知通孔李道

德之舊燕廬集作廬劉姻戚之私鑄顏有契全趙為期靜龍

門之風水剷羊腸之嶮巖空欲銘恩何酌樹德庇孤根於

高接許加姻於弱植將歡宋子俄放湘南綬黃楚傲鬚白

昭潭歸止未卜棄予是其許靖之悲方極王粲之憂不堪

猶如重言將敦故約王無改行金不如諾勗大義於幽沉

軫遐心於漂泊使者尚在凶書已來鴈足空遠魚腸不廻

淚和峽雨哭振巴雷孰澆枯鮒誰蕪寒灰今則言去柳江

當移漴浦稍脫疑網猶罹罪罟念深慟以無期豈沉寃之

可吐嗚呼哀哉執紼路阻佳城望賒凌空乏翼上漢無槎

或期他日或反中華認揚公之石馬撫周苞之辟邪况良

始規存遺經業在臧孫有後魏萬必大敢期陋質終託餘

光帝平之貂續無望秦晉之婚姻豈忘絮酒無幾生芻是

將辭多失次涕數無行翼桂旌之不遠降蘭珮之餘芳嗚

呼哀哉尚饗

祭呂商州文

前人

惟靈族光鈞渭慶顯歌齊竹分東箭玉奪南圭透迤霄路

睥睨雲梯淺牙洞鼠短刃分犀古聖堂奧前賢町畦前腸

効藥刮膜番篋彈琴而放臣見釋賣賦而妬后還閨既步

京國亦薦鄉里與田蘇遊有太叔美鄴都才運洛陽年齒

何晏神仙張良女子禮闈之擅譽也如彼冊府之傳名兮

若此囊成內殿之帷書貴皇都之紙中臺南省諫署戎藩

若此囊成內殿之帷書貴皇都之紙中臺南省諫署戎藩

才難價重政舉人存蓮池易曉蘭圃多暄溼波獨躍弄影  
孤翻王粲樓中曾經暇日楊雄宅裏幾弔遺魂參差蒲悞  
萋菲成寃漢廷毀誼楚國諛原建禮門內明光殿外直金  
沅肆於猜疑魏被竟從於沙汰蒙犯霜露支離埃塈厲山  
遙鬱於朝嵐澆水傍奔其素瀨猶懷毒草過農井以低窺  
尚憶神珠向隨臺而猶集作獨酌渚宮貳尹相府中郎將申  
蠖屈欲復鴛行朱轡意氣皂蓋輝光訓說則馬季長之居  
南郡風流則殷仲文之守東陽劉寵一錢鄧攸五鼓遂解  
郡符來登書府儒林文囿瑤山瓊圃槩朝閱芸籤夜數瓜  
當鄭灼之心錐在蘇秦之股是從佐理于彼東周雷喧洛  
派電掣集作雲納高丘玉泉嘉月金谷清秋陳思王之羅襪郭

有遺之仙舟不無賦詠聊以優游漢入嶢關晉分陰地籍  
賢太守之政有古諸侯之貴載揚筆陣復清劍氣長卿消  
渴士安風痺逝川幾歎於不廻朝露俄聞於溘至嗚呼昔  
也風塵投分平生少年雕龍競巧倚馬爭妍開襟隋岸促  
膝伊川月中乃共誇科桂池裏亦相矜幕蓮劉樗屢擲畢  
甕多眠終以世路紛綸物情推斥撫事傷年減歡加戚路  
泣楊子絲悲墨翟縱風至而音來竟月同而地隔逮余庶  
部及子頰條華樽旨酒綺席嘉穀各懸章綬俱失簞瓢雖  
論金而契在終照玉而頰凋子牟之思魏闕望之之憶漢  
朝誠知古在不覺魂銷書斷三湘哀聞五嶺天涯地末高  
秋落景重疊憂端縱橫淚綆涌虬夜促隙駒朝騁怨藻繪



之亡惟惜陽春之亂郢言念令季記余屬城領原鴈序昔  
日歡情蠻圻瘴嶠今朝哭聲愍支體遽亡於手足况兄弟  
不如其集作於友生嗚呼厚夜依墓窮泉訪路已巳金骨嗟  
嗟玉樹莫和哀挽空陳薄具銜萬里之遐誠託千辭之寄  
喻異時松楸枯朽羊虎傾頽草宿苔厚門平闕集作關摧尚  
期越禮用寫余哀靈今不昧倘或來哉

祭長安楊郎中文

前人

年月日謹以云云之奠祭于宗尹郎中之靈昔莊南華之  
言物故則曰若巨室之偃歸人陶真白之語玄機則曰雖  
頑仙不如才鬼邈矣高論嚼然深旨有感斯文屬在之子  
黃河九曲泰華三峯陽集作童亭之右陰晉之東泱泱佳氣

盼聖孤風生民之秀惟子之宗既懼四知亦畏三惑昔佐  
赤符實毗皇極坦蕩王道器宣帝則丹青不朽琬琰是刻  
狀日具東侔辰在北子之伯仲不忝前人粉飾賢路抑揚  
薦紳雲間日下國華席珍排龍掩陸突鶴摧荀卓爾風標  
朗然流品妍若春輝烈如冬凜燕石知媿齊竽自審咸指  
路以光銷盡空門而聲寢難售者價重難知者聲清披沙  
揀金由是不媿鳥散花落于今有情劉儒十行孫弘三道  
直路猶絃蠹政如掃筆海驚波詞園鞠草文場不寫於中  
心冊苑空留於秘寶晉千里國漢第一功建幢油碧啓幕  
蓮紅賓高王擇韻合人同固不能加減陳掾亦可以喜怒  
桓公衣蕭含香省蘭臺栢赤管朝操青縑夜襞佐計相則

生聚有經營一

集作地是

官而則孤終叶籍於惟荔蒲言念

金昆毀冠裂

集作

帶雪泣星奔宅裏之荆枝半謝嶺頭之

梅萼

集作

空繁陟岡望兄詩客之情何極歸縣見姊騷人

之恨猶存乃擢戎曹遂荒京令將換清切以扶明聖不知

者壽難言者命未謁季良

集作

之醫已革曾參之病嗚呼

平生世路繾綣交期孫金盧米百賦千詩桂林崑嶠一片

一枝終以浮沉因兼險夷對臯壤之搖落成老大之傷悲

尚冀他年或陶良夜酒筵琴席燈闌月榭俱開愁別之襟

並息分歧之駕短景未果

集作短

良辰不借竟鬱結於深

裏倏淹淪於大化况南康解榻日干降清光會稽繼組昨辱

餘芳情

集作積

分逾極銜哀更長一二十年之間難追往

半里之外正恨殊鄉地濶山深川寒樹古杳杳玄夜荒

集作

宿莽生金認石埋玉恨土寄奠緘詞呼風涕雨噫戲

噫戲宗尹之魂來否

祭張書記文

前人

維會昌元年歲次辛酉四月辛丑朔二十日庚申隴西公

榮陽鄭某隴西李某安定張某昌黎韓某樊南李某謹以

清酌之奠致祭于故朔方書記張五審禮之靈嗚呼古有

不重千金殊輕尺璧或號百夫之防或作萬人之敵爭雄

角秀殊途異迹念閔水於千齡若衝飈之一息吁嗟審禮

寧或免之瞭眸巨鼻方口踈髭始自渚宮來遊帝里論極

懸河文酬段綺體物稱最登高擅美良時不來躁進為耻

門巷蓬蒿荒涼如此藩溷筆硯寂寥而已梁多文士漢有  
賢王猶市駿骨首驚夜光長裾旣曳健筆誰當職高蓮慕  
官帶芸香青袍若草白簡如霜東閣朝暖西園夜涼震起  
集作豈殺公謀惟故吏渭濱迴流馬之運峴首奉詞曹之諱  
松筠不改琴罇有寄三遙方營一畝之地多文爲富無事  
當貴亦解客嘲還答賓戲迴翔逸軌傲睨重霄將期晚節  
更峻清標懸蛇結豐閭蟻成妖迴生乏祖洲之草續斷無  
弱水之膠陳屍重來而何望楚魂一散而難招嗚呼神道  
甚微天理難究桂蠹蘭敗龜年鶴壽在長短而且然於妍  
醜而何有某等早承餘眷晚獲聯姻或感極外家延自出  
之念或恩深猶子多引進之仁或敬屬丈人之行或情

妹之親有美吾姨慶靈攸屬尊公則師長庶僚夫人則  
儀刑六族門高并世之侯家享萬鍾之祿經過欵狎出入  
遊陪映人玉潤覆水蓮開春歸別墅月滿高臺嵇山傾倒  
謝雪徘徊惜景而持繩欲繫邀歡而秉燭相催中嘆乖離  
今多至止仲叔辭辟而方反梅福罷官而未幾一則歸從  
迴鴈之峰一則至自跼鵝之水方將爲笛裁竹綠箏斬梓  
驅羿射鴻招何釣鯉豁契濶於屯夷極平生之宴喜良覲  
雖屢深懷未從三靈莫効一夢俄終露先寒而隕葉漏未  
盡而聞鐘今則列樹開封樛著得吉絳旆前引桐棺後出  
隱軫原野淒涼雲月集作將歸宿莽之庭欲閉青松之室  
殷勤舊集作賢偶冀望諸孤未歸下國且寓皇都江遠惟哭

天高大旦集作呼必有餘慶非無後圖嗚呼哀哉壺有芳醪  
俎多肥羜叫噪不聞精靈何處爵憤徒極含辭莫叙其有  
鑒於酸嘶庶無乖於飢集作飫

文苑英華卷第九百九十



